

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

ZAURGARRITASUN EGOERAN DAUDEN NERABEEN HEZKUTZA ESKUBIDEA BERMATZEAREN INGURUKO KONTROL MOZIOA

Olaia Duarte Lopezek, EH BILDU udal taldeko zinegotziak, Udaltzaren Organo Araudiaren 98. artikulua oinarri, mozio hau aurkezten du Udaltzaren azter dadin. Mozioa 2021eko otsailaren 15ean Pertsonen Batzordean aztertutako interpelazioaren ondorioa da.

JUSTIFIKAZIOA

Otsailaren 3an Lau Haizeta ikastolako zuzendaritzatik dei bat jaso genuen, ikasle baten egoeraren berri emanez. Hamabi urteko ikaslea eta bere ama Udaleko larrialdiko pisu batean bizi dira eta, dirudienez, umeak zailtasunak ditu klaseak jarraitzeko eta etxeko lanak egiteko, pisuan ez duelako internetik.

Hau jakinda, Udaleko Gizarte-Ekintzako zuzendariarekin harremanetan jarri ginen, ume honen hezkuntza eskubidea ez zelako bermatzen ari. Zuzendariaren erantzuna izan zen, kasua bideratzeko, onena Lau Haizeta eskola auzoko gizarte zerbitzugunearekin harremanetan jartzea zela eta, bestetik, interneterako sarbideari dagokionez, Eusko Jaurlaritzako Hezkuntza Saila zela bitartekoak jartzeaz arduratzen zena. Hemen, kontraesan ugari dago; izan ere, ikastolako ikasketa-buruari Jaurlaritzatik esan zioten ez zela interneterako txartel gehiago banatuko.

Otsailaren 4an Lau Haizetako zuzendaritzak umeak duen hezitzaile sozialarekin hitz egin zuen eta, aldi berean, gure aldetik Udaleko Hezkuntza teknikariarekin hitz egin genuen; kasua sail batetik bestera zebilela ikusita, inongo soluziorik gabe. Honen ondorioz, badirudi Gizarte-ekintza saila izango dela interneteko sarbideaz arduratuko dena umeak hezkuntza eskubidea bermatua izan dezan.

Baina, kasu puntual honetatik begirada zabaltzen badugu, asko kezkatzen gaitu egoera zaugarrian dauden nerabeen egoerak: Udaleko larrialdi pisuetan bizi direnak, egoera ekonomiko zailean dauden familietan bizi direnak, esku hartze goiztiarreko programetan daudenak eta abar. Izan ere, bakoitzak bizi duen egoera sozial zein emozional zailari hezkuntza eskubide urraketak eragindako ondorioak gehitzen zaizkio (atzerapen akademikoa bizitzeko arriskua, beste gelakideen aurrean desberdintasunak izatea, marjinazioa...) eta honek bigarren biktimizazio bat eragiten duela deritzogu administrazio publikoaren aldetik.

Kontuan izan dezagun Gizarte-ekintzaren 2019ko memoriaren arabera, 2019an 26 familia edo bizikidetzak talde bizi zirela larrialdiko etxebizitzetan (40 heldu eta 28 adingabe); 3.392 familiek eskatu zutela udal diru-laguntzaren bat eta 1.173 nerabe atendituak izan zirela esku-hartze goiztiarreko programan.

EH Bildu talde politikoa

Grupo político EH Bildu

lJentea, 1 - Tel. 943481027 - www.donostia.ehbildu.eus -
20003 Donostia

Jaurlaritzako Hezkuntza sailburuak, Bildarratz jaunak, behin eta berriro aipatu du “ez da umerik egongo baliabiderik gabe”, Donostiako alkateak “ez dugu inor atzean utziko” errepikatu duen bezala.

Ezin dugu ulertu nolatan utzi diren larrialdiko pisuak internet konexiorik gabe, 2020ko osasun krisiak hezkuntza jaso ahal izateko oinarritzko tresna dela erakutsi digunean eta nolatan ez dagoen plangintza zehatzik hezkuntza beharrak aseturik ez dituzten nerabeen detekzioa egiteko.

Hortaz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

- 1.- Udalbatzak hertsatuki eskatzen dio Udal Gobernuari Donostiako ikastetxe guztiekin harremanetan jar dadila interneteko sarbidea eta ordenagailua izateko arazoa duten ikasleen berri izateko eta, Eusko Jaurlaritzarekin lankidetzan, erantzun bat emateko, hezkuntza eskubidea bermatuta egon dadin.
- 2.- Udalbatzak hertsatuki eskatzen dio Udal Gobernuari, gizarte-ekintzako programetan parte hartzen duten nerabe zein familien datuak baliatuta, haurren hezkuntza eskubidea bermatzeko internet sarbidea dutela ziurta dezala eta gabeziaren bat detektatzen bada irtenbidea bila dezala.
- 3.- Udalbatzak hertsatuki eskatzen dio Udal Gobernuari larrialdiko etxebizitzetan zein udal baliabideetan bizi diren nerabeei interneterako sarbidea garantizatu diezaiela.

Donostian, 2021eko otsailaren 18an

Olaia Duarte López
EH Bildu udal taldeko zinegotzia